



續日本後紀 七

和書門	類	六	一	二	二
函	架	一	〇	二	二
冊	架	〇	二	一	六

內閣文庫	和書	類	六	一	二	二
函	架	一	〇	二	二	二
冊	架	〇	二	一	六	二

內閣文庫		
番號	和	26
冊數	20	(7)
函號	137	134





續日本後紀卷第七 起五年正月盡十二月

太政大臣從二位臣藤原朝臣良房等奉勅撰

五年春正月庚申朔天皇御大極殿受朝賀

畢宴侍從已上於紫宸殿賜御被 壬戌天

皇朝觀先太上天皇及太皇太后於嵯峨院

賜扈從五位已上祿有差 丙寅天皇御豐

樂殿覽青馬宴百官詔授從五位上豐江王

正五位下從五位下豐村王從五位上正六

位上高原王從五位下從四位下和氣朝臣
真經筮朝臣梁麻呂藤原朝臣雄敏大枝朝
臣總成並從四位上正五位下藤原朝臣豐
主紀朝臣名虎丹墾真人清真從五位上筮
朝臣廣庭並從四位下正五位下善道朝臣
真真春五日與申從五位上坂上大宿祢
紀朝臣椿守百濟王永豐大藏宿祢橫佩並

從五位上外從五位下門部連真宗无位真
我朝臣平夏正六位上藤原良相藤原氏宗
丹墾真人真峰林朝臣諸成小野朝臣真道
淨野宿祢干膜林朝臣常繼並從五位下正
六位上出雲朝臣全嗣高村宿祢清直飯高
公常比磨十三宿祢衣繼神服連清
從五位下宴畢賜祿有老丁卯天皇御紫
宸殿皇太子獻御仗授正五位下田口朝臣

善子從四位下是日大極殿最勝會之初也
 已巳以從三位藤原朝臣王守為右大臣
 正三位源朝臣常為大納言從三位橘朝臣
 氏公為中納言從四位下安倍朝臣安仁為
 參議壬申從五位上藤原朝臣當道為辨
 河內守如故從五位下藤原朝臣豐嗣為左
 少弁從五位下藤原朝臣氏宗為式部少輔
 云 三只仲野親王為上總太守四只忠良

親王為常陸太守從五位下藤原朝臣真公
 為外一品葛原親王為兼上野太守式部卿
 如故從五位下淨野宿祢干腹為下野外從
 四位上源朝臣明為兼加賀守大學頭如故
 云 從三位藤原朝臣定為兼播磨守中務
 卿如故云 是日從四位下藤原朝臣商子
 卒 癸酉最勝會竟更引其誦師及名僧十
 餘口於禁中令論議訖施御被 上女天皇

御紫宸殿覽蹈歌宴竟賜侍從已上祿有差
 丙子天皇御豐樂殿觀射已卯天皇內
 宴于仁壽殿喚公卿及才知文士令賦雜言
 遊春曲之題宴畢賜祿有差 辛巳揚津國
 豐嶋郡人正六位上豐 嗣民部
 史生同姓吉雄等廿八人改本居貫附右京
 二條繼諸蕃歸化之餘種也 二月庚寅丹
 波國桑田郡空閑地三十町賜諱田春宮家

令未預把笏也 癸巳天皇御內裏射場金
 侍臣射之是日右大臣從二位藤原朝臣王
 守奉獻畫羨亦積置錢布備于賭物 乙未
 從五位下藤原朝臣氏雄為縫殿頭 丁酉
 畿內諸國群盜橫行放火殺人下知國司令
 以糾勸 戊戌令山陽南海道等諸國司捕
 紕海賊 庚子行幸水生瀨野遊獵賜扈從
 五位已上祿有差自暮車駕還宮 勅旨曰

分遣左右衛門府生看督等於畿内諸国追
 捕對盜云癸卯勅齋院雜使四人宜准
 宮井淳和院舍人等與之公驗嵯峨院勘籍
 廿人亦置於此庚戌武藏国都筑郡粉
 山神社類之官幣以靈驗也三月乙丑散
 位從四位下池田朝臣春野卒春野者天應
 以徃之人也至延曆十年始預官班補内舍
 人十四年任左衛門少尉轉大尉十九年叙

從五位下除内藏助兼丹波守大同元年加
 從五位上職歷中務少輔彈正少弼弘仁元
 年任大藏大輔三年叙正五位下頻兼遠江
 越中守遷官内大輔天長三年遷圖書頭四
 年叙正五位上除掃部頭六年正月授從四
 位下春野宿祿能說故夏或可採容此十年
 冬將有大嘗會事天皇欲修禊祓幸賀茂河
 春野以掃部頭奉鹵簿陣者諸大夫所著當

色其裾曳地大咲曰是尋常之裝束非神
事之古體便指自所著為古體之證其裾離
地卷高而袴襪露見與諸大夫皆驚云古之
儀制應与唐同後代當效之春野衣冠古樣
身長六尺餘稠人之中揚焉而立會集眾人
莫不駐眼瞞之國老如此者今則不見也卒
時年八十二 壬申元京二條二坊十六町
二分之一賜掌侍正五位下大和宿禰館子

丙子大法師靜安為律師 戊寅火干弥
勒寺焚堂舍五宇 癸未勅日諸衛府及
官雜色人特聽著緋色袴自餘諸人不聽著
涿袴而特聽之徒所著之袴或用黑緋或用
淺緋著人任意不拘文法大夫當色之服還
為士庶之袴知而不糾事涉僭濫宜自今以
後一切禁止不得令著但慮嚴制下入罪者
衆須六十日內皆令換却其推宜行制省弊

續日本後紀十
為貴如今吳桃洙黃墨洙枚洙皂洙等也洙
作無貴著服難汚宜四色袴不謂色淺深不
論公私所待聽著服其衆議已上聽通著四
色百餘諸人不得著吳桃洙一色甲申勅
日遣唐使頻年却廻未遂過海夫冥靈之道
至信乃應神明之德修善必祐宜命太宰府
監已上每國一人率國司誦師不論當國他
國擇年七五以上精進持經心行無變者度

之九人香襲宮二人大臣一人八幡太菩薩
宮二人宗像神社二人阿蘇神社二人於國
外寺及神宮寺安置供養使等往還之間專
心行道念得穩平乙酉授正六位上佐伯
宥祿長人從五位下夏四月壬辰勅自遣
唐使進發之月至飯朝之日今五畿內七道
諸國讀海龍經庚子勅筑前筑後肥前豐
後等五ヶ國頻年遭疫死亡者半獲息之輩

既疲造船就中擇窮貧者給復一年 辛丑
 太宰管内諸國飢 巳丑勅遣使者於大和
 國實錄富豪之資借貸困窮之輩至秋收時
 依負得報 壬寅右京人正六位上春男王
 賜姓宗高真人 戊申勅遣唐大使藤原朝
 臣常嗣副使小野朝臣重使等本朝鳳岑用
 涉驚波心事多曠滯留逆旅朕眷言艱節憂
 念干懷方今信風甫臻嚴程已迫如靡監何

困雲輶往付之樂意仍遣從四位下右近衛
 中將藤原朝臣助勘_ヲ_ヲ之是日天皇遷御常
 寧殿以避暑也 五月己未遣唐使上奏言
 使等漂廻嚴綸未允_{タマハセ}雖風信之憊_{各ク}乃是天時
 而重行之累類有冥妨况巨海之程艱虞無
 側不資靈祐何以利往請令諸國轉讀大般
 若經是日詔令五畿内七道諸國始自今月
 中旬至使等歸朝之日堅固講海龍王經相

并轉讀大般若經上 辛酉天皇御武德殿觀
 騎射 丁卯奉授出羽國從五位上勳五等
 大物忌神正五位下餘如故羨濃國言古樣
 弓弩不可中用從加修理何用之有今須弄
 古樣七脚更造新樣四脚許之 秋七月丙
 寅令僧沙弥各七口讀經於相原山陵以有
 物恠也 戊辰以仕町地長七四丈廣四丈
 為陰陽寮守辰丁廿二人序下居 癸酉有

物如粉從天散零逢雨不銷或降或止 甲
 申天皇御八省院奉幣伊勢太神宮以禱豐
 年也太宰府奏遣唐第一船進發 辛巳山
 城回飢以近江國正統穀賑給之 壬申分
 幣内外諸國名神以祈秋稼也 丁丑勅從
 彼青春終此朱夏雲層屢興雨液應作隴畝
 之苗秋稼可期 丙寅奉幣帛於伊勢太神宮以
 祈成熟 丙寅天皇幸葛野川觀魚賜扈從

續日本後紀

卷九

五位已上祿有毫 丙辰勅如聞諸家京中
好營水田自今以後一切禁斷但元來旱濕
之地聽殖水葱苻蓮類

六月壬子天皇御清凉殿令助教正六位上
直道宿祿廣公讀群書治要第一卷有經文
故也 丁未太宰府言府吏公廨雖有未納猶被
以正統全給之彼代令國司徵填若當國正
統數少者管內通行許之授正六位上

橘朝臣貞根從五位下 丁未勅諸所貢蔭
子孫位子等頒式部民部並勘籍之日於其
戶籍姓名之上具注合否之狀兩省之丞署
名其下治部兵部省亦宜同之自今以後立
為恒例 甲午勅令貢雜物之國不許未進
及少拘留醫師公廨待返抄不後充行以為
恒例 八月丁亥勅奠文宣王也 戊子天
皇御紫宸殿召大學轉士學生等十一人迺

胸

今論難昨日所講尚書之義賜祿有差是日
遣周使表奏到未其表曰臣常嗣等言伏奉
四月廿八日勅書慰問臣等捧載顛倒涯分
不次施無遠近資生之道潛通恩及客旅感
化之心更切臣等自辭闕庭載離寒暑國命
未宜勞勤頻年雖有一生分當萬死不悟運
關三秋嚴霜不行常殺之命天為一物偏恩
曲愍理枯之根是知臣等年齊柏寢酬恩何

神社

期紙聲蘭臺書罪空滿謹拜表以聞 庚寅
以刑部正四位下源朝臣弘為兼治部卿信
濃守如故彖議正四位下安倍朝臣安仁為
兼刑部卿云 壬辰奉授義濃國多紀郡死
位久久茂神從五位下勅五畿内七道諸國
勅旨并親主以下寺家所占墾田地未開間
公私共利若不隨憲法令民愁苦者因宰郡
司解却見任專當在長科違勅罪 乙未大

續日本後紀

十一

舍人頭從四位下白野王卒 己亥霹靂於
 監物前柳樹往還人休于樹下 一男震死 一
 女傷脛 一童總存 一女無恙 己巳暴風大
 雨壞民房舍 甲辰奉幣帛并白馬於貴布
 祿神丹生河上 雨師以祈止雨也 癸丑降
 雨殊切奉幣賀茂上下松尾 訓垂水住吉等
 名神以祈霽等 九月辛酉下野国那須郡
 三和神預之官社 癸亥又奉幣馬於貴

神社

布祿丹生河上 雨師以祈止風雨也 甲子
 是重陽之日也 天皇不豫停廢節會但賜
 菊酎見參親主侍從已上於廊下賜祿有參
 乙丑頒使七大寺誦經以聖體味康平也
 寺別御被一條以宛布施 己巳定太宰管
 内地子交易法綿一屯直稻八束 甲戌勅
 令修理天下定額寺堂舍并佛像經論及神
 社諸社 甲申從七月至今月河内參河遠

江駿河伊豆甲斐武藏上総美濃飛彈信濃
越前加賀越中播磨紀伊等十六国一一相
續言有物如灰從天而雨累日不止但雖似
惟異無有損害今茲畿内道俱是豐稔五穀
價賤老農名此物米華云 冬十月戊子遣
左兵庫頭從五位上岡野王等奉神室於伊
勢太神宮 甲午奉授隱岐国无位奈麻治
比賣神從五位下 甲寅太政官処分太宰

府例進緋綿細一百端今定緋細十端黑緋
細四十端緋細五十端畫華五十枝今定白
華廿枝畫華廿枝 乙未勅畿内諸国雜官
稻代杖錢一切禁之 丁酉喚集諸司官人
能書者五位已下卅人於冷然院奉寫金剛
壽會陀羅尼經一千軸是日天皇遷自常寧
殿御清凉殿 癸巳民部省言永大帳口率
之數或国戸到二三丁或国戸到三四丁而

頃年檢損由使帳多丁之定是遭損多課之
烟必以為得也通計之牽理不可然自今以
後損得戶丁彼此同牽許之 戊戌酉剋白
虹竟西山南北長卅許丈廣四許丈須臾而
銷季 丙午夜彗星見東南其氣赤白竟天
數許須臾而不見授正六位上安倍朝臣興
繼從五位下 十一月辛酉勅廻者妖祥屢
見氣侵不息思民年歲忘寢食其令黎庶

無疾疫之憂農功有豐稔之喜不如般若妙
經之力大乘不二之德普告京畿七道令書
寫供養般若心經仍須國郡司并百姓人別
俾出三文錢若一合米郡別於一定額寺若
郡館収置之國司誦師物加檢校所出之物
分為二分一分宛寫經料一分宛供養料其
米來年二月十五日各於本處屈請精進練
行堪演說者開設法筵受持供養當會前後

并三ヶ月、内禁断殺生、公家所捨之物、毎二
會、处以正税、稻一、百束、宛之、庶使普夫之下
旁薰勝業、葦土之民、共登仁壽。辛未、彗星
見東方、是星起十月廿二日、至今月十七日、
每夜寅、尅見東方、其長七尺許。甲戌、以從
五位上、真圀王、為大舍人頭、從五位下文室
朝臣氏雄、為内匠頭、正五位下、藤原朝臣嗣
宗、為兼兵部大輔、少納言如故、從五位下、

於王、為内膳正、從四位下、滋野朝臣真主、為
彈正、大弼、從五位下、藤原朝臣諸氏、為右衛
門權佐、侍從、從四位下、正行王、為兼越中守、
從四位下、和氣朝臣仲世、為阿波守、從五位
下、在原朝臣仲平、為豐前守、右京人散位、從
七位上、勲九等坂上、忌寸豐雄、改忌寸賜宥
祿。辛巳、皇太子於紫宸殿、加元服、詔皇太
子桓貞、風標岐山、疑元、稟温問、東華守器上

序離幼從長日以躋昇今月休辰肇修元服
義兼四禮道重三加盛德以之克融兼祧由
其逾楸嘉慶之事豈獨在予宜洽愷決被之
率土可賜天下為父後者六位已下爵一級
兼和四年以往言上租稅未納咸從免除普
告中外俾知此意无位佐伯宥祿貞子紀朝
臣是子栗前直久永子吉野直人高子並授
從五位下以東宮侍女也是日亦源朝臣獻

於內裏冠琴天皇抽筆叙正四位下嵯峨天
皇第八子大原氏所產也賜之天皇令為子
故有此叙賜見叅親王已下五位已上祿有
冕 癸未先太上天皇先御冷然院次御神
泉苑放隼擊水禽天皇獻御馬四疋鷹鷄各
四聯嗅鳥犬及御屏風種々翫好物授死位
源朝臣生從四位上從五位下滋野朝臣東
雄從五位上從四位上笠朝臣繼子正四位

下從五位上內藏宿祿影子從四位下死位
菅原朝臣閑子大中臣朝臣岑子並從五位
下以當日陪奉先太上天皇近臣侍女之類
也賜扈從諸臣及外記官吏內記等祿各有
差甲申律師傳燈大法師位慈朝卒俗姓
長尾氏右京人神護景雲四年得度法相宗
住西大寺少僧都常騰之入室也卒時年半
二嵯峨天皇太后御朱雀院宴五位已上賜

祿有差十二月甲午彈正臺奏朝服之色
明在法條而今會集之時有祿無縹僭上之
弊遂失致敬誓之朝儀理不可然紫緋之易
其灼然易就而正綠縹之次其類猥多難得
而紕若非早糾正恐流道忌返墜請仰式兵
兩省得文武諸司移八位以下人位姓名於
臺仍遣巡察等對勘位免若猶不改年五六
月為例令移奏許之丙申山城國宇治郡

公由一町五段三百步賜充大臣正二位藤原朝臣緒嗣。丁酉延名僧百口於八省院令轉讀御願奉寫金剛壽命陀羅尼經千軸也。己亥天皇於清凉殿修佛名懺悔限以三月三夜律師靜安大法師願安實敏願定道昌等迦為導師內裏佛名懺悔自此而始。是日勅曰小野篁內舍綸旨出使外境而稱病故不遂。因命准掇律條可處絞刑宜降死。

罪一等处之遠流配流隱岐國初造船使造船之日先自定其次第名之非古例也使等任之各駕而去。一漂廻後大使上奏更復卜定損其次第第二船改為第一大使駕之於是副使篁怨懟陽病而留遂懷幽憤作西道謠以刺遣唐之役也。其詞牽與多犯忌諱嵯峨太上天皇覽之大怒令論其罪故有此竄謫。壬寅佛名懺悔竟施導師僧五口物及得。

續日本後紀卷第七
度者各一人。甲辰從五位上藤原朝臣春
津為侍從。乙巳山城國紀伊郡空閑地二
町八段賜繁子內親王。庚戌芳子內親王
薨。嵯峨太皇太后所誕第五皇女也。依太后
旨停監護使。辛亥追永野篁所帶正五位
下之告身。大安寺僧傳燈大法師位壽遠卒。
俗姓棕橋部長武藏國人也。延曆之末出家
得度。大法師安澄之入室而三論之學有邑。

取精因明諸人推服。卒時年六十八。

續日本後紀卷第七

